

KANTIK DA SANT BUDOC

Patron Plourin

DISKAN

Kanomp, kanomp gant levez
Meuleudi Patron ar barrez.
En env en deus eur renk huel)
E touez sent coz bro Breiz-Izel.) *bis*

I

Henor ive ha karantez
D'ho mam ha d'hon alvocadez,
D'ho mam vad santez Azenor)
Furra princez ' voue en Arvor.) *bis*

II

Ouzomp oc'h karget gant Doue,
Parrez Plourin eo ho leve.
C'hui 'peus, a dreus ar c'hantvejou)
He diouallet eus an envou.) *bis*

III

C'hui o c'heus desket d'hon tud koz
An hent da vont d'ar baradoz,
Deskit ive d'ho bugale)
Karet ho bro, karet Doue.) *bis*

IV

Sicourit oll dud ar barrez:
An emzivad, an intanvez;
Sicourit ive an tadou,)
Ar vugale hag ar mammou.) *bis*

V

D'ar pinvidic evel d'ar paour
Discoezit o peus kaloun aour,
N'ho dilezit ket eus an Ee)
Rag oll e z'int ho pugale.) *bis*

VI

Euz ar mintin beteg an noz
 Var hon labour skuillit bennoz,
 Anez ne dal ket d'an dachen
 Beza glebiet gant ar c'hoezen.) *bis*

VII

Guech all, d'ar bobl eus o parrez,
 Evel eur merk euz o karantez,
 Dre destamant, araog mervel,
 C'hui bromettas, o preac'h santel.) *bis*

VIII

Dre c'halloud ho preac'h béniget
 Hon diouallit dious peb pec'het,
 Grit ma chomimp guir gristenien,
 Fidel d'hor feiz ha d'hor c'hreden.) *bis*

IX

En hon eneb, an drouk-spered
 A zo hirio dijadennet,
 Rodal a ra var zouar Breiz
 O klask bepred moug ar feiz.) *bis*

X

Eur vezen, douret e griziou,
 A zoug bleun, frouez ha delliou;
 Douret ive gant goad Jesus
 Hor feiz a vo bepred nerzus.) *bis*

XI

Biken an ifern kounaret
 Na zeui a-benn eus Bretouned.
 Ato betek ar maro
 Ar feiz a vo henor ar vro.) *bis*

XII

Ho relegou a zo ama
 En eun Ilis eus ar c'haera
 Ha dirazho gant hor peden
 Ni veulo Doue da viken.) *bis*

O Sant Budoc, Sant galloudus,
 C'hui zo tost da galoun Jesus,
 Pedit evidomp déis ha noz,)
 Ma zeimp ganeoc'h d'ar baradoz.) *bis*

IMPRIMATUR : *Quimper*, 11 avril 1902.

FLEITER, *v. g.*

KANTIK SANT ROCH

DISKAN

Sant Roch, patron meurbed galloudus
 Eus an dud klanv hag ankeniet,
 Pedit hor Zalver trugarezus
 D'hor miret oll diouz peb klenvet.

I

Diskennet eus eul lignez huel,
 E rannit d'ar paour ho tanvez,
 Evit galloud beva ha mervel
 En dienez, er baourentez.

II

Reded a rit da zikour kêriou
 Trubuilhet oll gant ar vossen;
 E peb karter e rit burzudou,
 E tennit an oll a anken.

III

Soulaji a rit gant madelez
 Ar glanvourien gêiz dilezed.
 Ho pedennou hag ho santelez
 E peb leac'h a voug ar c'hlenved.

IV

'Vit ho nessa c'hui offr o pue,
 Kals a zeu d'ho tigemeret
 Evel eun eal deuet aberz Doue
 Da zouten an dud trubuilhet.

V

Breman c'hoas eus a lein an envou
 Gant ar garantez ar vrassa
 E vougit krenn e kals a vroïou
 Ar vossen hag ar c'holéra.

VI

C'houi er goar, patron karantezus,
 Hor pec'hejou, hor goal vue
 A denn varnomp klenvejou spountus,
 Grit ma tistroïmp ouz Doue.

VII

Sant Roch, skouer euz an oll vertuziou,
 Grit ma kouitaïmp ar pec'het
 Ha ma c'heuillimp oll ho exemplou
 'Vit ma vimp en env kurunet.

IMPRIMATUR: *Quimper, le 4 octobre 1867.*
 EVRARD, vic. gén.

